



Sud Bosne i Hercegovine
Sud Bosne i Hecegovine

Broj: S1 3 Iž 037127 20 Iž
Sarajevo, 09.10.2020.godine

Sud Bosne i Hercegovine, u drugostepenom vijeću sastavljenom od sudija Zvezdane Antonović, kao predsjednika vijeća, Mirsade Džindo i Dinke Bešlagić-Čovrk, kao članova vijeća, odlučujući o žalbi Maria Jurine, Branitelja domovine, Gornji Vakuf-Uskoplje, izjavljenoj protiv Odluke CIK BiH broj 05-1-07-1-998/20 od 01.10.2020. godine, u nejavnoj sjednici, održanoj dana 09.10.2020. godine, donio je

R J E Š E N J E

Žalba se odbija

O b r a z l o ž e n j e

Odlukom Centralne izborne komisije Bosne i Hercegovine broj 05-1-07-1-998/20 od 01.10.2020. godine odbijen je upis u izvod iz Centralnog biračkog spiska za glasanje izvan BiH. Sastavni dio odluke je tabela sa sa imenima odbijenih birača za upis u izvod.

S obzirom da nije prihvaćena prijava za upis u izvod iz Centralnog biračkog spiska za glasanje izvan BiH, žalitelj je uložio žalbu navodeći da nije propisan broj osoba koje mogu biti prijavljene na istoj adresi, zbog čega razlog odbijanja nije zasnovan na zakonu, tražeći da mu se omogući glasanje putem pošte na predstojećim lokalnim izborima, da mu se glasački paket dostavi na adresu označenu u PRP2 obrascu.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbije kao neosnovana.

Ispitujući pobijanu odluku u okviru žalbenih navoda vijeće je zaključilo da je žalba neosnovana.

Prilikom utvrđivanja činjeničnog stanja CIK BiH je, prema stanju u spisu, pravilno utvrdila da je označena adresa za prijem glasačkog materijala ista i za žalitelja kao i za još 6 lica sa istom biračkom opcijom za sve prijave. CIK BiH je, prema stanju u spisu na osnovu potpuno i pravilno utvrđenog činjeničnog stanja izveo i pravilan zaključak, da bi dostavom osjetljivog izbornog materijala na istu adresu: Kralja Tomislava 36, 31421 Gašinci, R Hrvatska, povrijedilo osnovno izborna načelo, tajnost glasanja i izbora direktno od strane birača, koje garantuje odredba člana 1.3

Izbornog zakona BiH, te da izborna manipulacija može za posljedicu imati planirani izborni rezultat.

Osim toga, žalitelju pobijanom odlukom nije oduzeto biračko pravo za Lokalne izbore 2020. godine, nego samo mogućnost da glasa putem pošte izvan BiH na ovim izborima, ali će moći da glasa na redovnom biračkom mjestu u opštini u kojoj ima prijavljeno prebivalište u BiH.

S obzirom na navedeno, po ocjeni ovog vijeća, pobijana odluka Centralne izborne komisije Bosne i Hercegovine je pravilna i zakonita a žalba neosnovana pa je istu, primjenom odredbe člana 81. stav 1. Zakona o upravnim sporovima Bosne i Hercegovine (Sl. glasnik BiH br. 19/02 do 74/10) valjalo odbiti.

PREDSJEDNIK VIJEĆA
SUDIJA
Zvezdana Antonović